

UNIVERZITET U SARAJEVU  
FAKULTET ISLAMSKIH NAUKA

UNIVERZITET U SARAJEVU
FAKULTET ISLAMSKIH NAUKA
Broj 07-2-762/22
dan 06. mjesec 07.
goda 2022

Komisija za izbor nastavnika u zvanje *redovni profesor za naučnu oblast Psihologija*

**Dr. Senija Tahirović**, redovni profesor, oblast Psihologija, Islamski pedagoški fakultet Univerziteta u Zenici, predsjednik Komisije,

**Dr. Anela Hasanagić**, redovni profesor, oblast Psihologija, Islamski pedagoški fakultet Univerziteta u Zenici, član Komisije,

**Dr. Sibela Zvizdić**, redovni profesor, polje Psihologija (grane Školska psihologija i Psihologija obrazovanja, Zdravstvena i klinička psihologija), Filozofski fakultet Univerziteta u Sarajevu, član Komisije.

**PREDMET:** Izvještaj o izboru nastavnika u zvanje *redovni profesor za naučnu oblast Psihologija*

VIJEĆU FAKULTETA ISLAMSKIH NAUKA  
UNIVERZITETA U SARAJEVU

Na osnovu člana 103. st. (1) i (2) Zakona o visokom obrazovanju („Službene novine Kantona Sarajevo“, br. 33/17, 35/20, 40/20 i 39/21) i člana 104. stav (2) tačka j) Statuta Univerziteta u Sarajevu br. 01-1093-3-1/18 od 28.11.2018. godine, i saglasnosti Rijaseta, Uprave za obrazovanje i nauku br. 02-03-2-1008-3/22 od 24.3.2022. godine i Senata Univerziteta u Sarajevu br. 01-6-61/22 od 27.04.2022. godine, Fakultet islamski nauka Univerziteta u Sarajevu je raspisao javni konkurs za izbor akademskog osoblja u naučnonastavna zvanja na Fakultetu islamskih nauka Univerziteta u Sarajevu, koji je objavljen 10.05.2022. godine u dnevnom listu „Oslobođenje“ i na web-stranici Fakulteta islamskih nauka Univerziteta u Sarajevu.

U skladu s odlukom dekana Fakulteta islamskih nauka Univerziteta u Sarajevu br. 03-03-6. redovna elektronska sjednica -/22 od 09.06.2022. godine, imenovani smo za članove Komisije za izbor akademskog osoblja: Nastavnik u zvanju redovni profesor za naučnu oblast Psihologija, I izvršilac (puno radno vrijeme).

Na raspisani konkurs prijavio se jedan kandidat, vanredni profesor dr. Aid Smajić, čija je prijava putem

protokola zavedena pod br. 07-2-493/22 od 12.05.2022. godine.

Prof. dr. Aid Smajić je uz dostavljenu prijavu priložio sljedeću dokumentaciju:

- biografiju i bibliografiju u elektronskoj i štampanoj formi,
- izvod iz matične knjige rođenih,
- uvjerenje o državljanstvu,
- CIPSOVU potvrdu,
- ovjerene diplome prvog, drugog i trećeg ciklusa studija,
- potvrdu o provedenom izbornom periodu u zvanju vanredni profesor,
- dokaz o uspješno završenom mentorstvu za jednog doktoranda,
- dokaz o uspješno završenom mentorstvu za četiri magistranda,
- dvije objavljene knjige,
- spisak objavljenih sedam (7) radova koji su objavljeni u priznatim publikacijama koje se nalaze u relevantnim naučnim bazama podataka sa njihovim nazivima, kopijama radova i ispisima koji dokazuju dostupnost radova i kojim se potvrđuje indeksiranost časopisa u naučnim bazama podataka, te tri (3) naučna rada objavljena u recenziranim domaćim i međunarodnim naučnim publikacijama,
- tri (3) potvrde da će radovi „Psihičke posljedice pandemije COVID-19 kod studenata Univerziteta u Sarajevu“, „Stres u akademskom kontekstu: izvori, reakcije i suočavanje“, „Psychometric validation of cognitive test anxiety scale – 2 among Bosnian university students“ biti objavljeni u naučnom časopisu *Kriminalističke teme* (CEEOL, EBSCO, SocINDEX, EBSCO SocINDEX Full Text baze podataka) odnosno u naučnoj publikaciji *Psihosocijalne odrednice depresivnosti, anksioznosti i stresa kod studenata* (ur. Amela Dautbegović) i međunarodnom časopisu *Journal of Psychoeducational Assessment* (Scopus, Web of Science, PsycINFO baze podataka),
- pet (5) potvrda o učešću u međunarodnim i domaćim istraživačkim projektima,
- tri (3) objavljene knjige drugih autora koje su nastale kao rezultat naučno-istraživačkih projekata u kojima je učestvovao i kandidat,
- pet (5) potvrda u učešću u Erasmus+ programu međuuniverzitetske razmjene,
- četiri (4) potvrde o učešću u programima stručnog usavršavanja,
- dokaz u učešću u organizaciji naučnih skupova i radu tijela zaduženih za unapređenje obrazovnog procesa na matičnom fakultetu.

Komisija konstatira da je kandidat prof. dr. Aid Smajić na vrijeme dostavio svu potrebnu dokumentaciju i da je za istu na osnovu temeljitog uvida utvrdila da je valjana. U skladu s tim, Komisija zaključuje da je kandidat ispunio sve formalne i proceduralne uvjete konkursa.

Nakon pregleda dostavljene dokumentacije, ocjene naučno-istraživačkih radova i profesionalne aktivnosti kandidata, Komisija podnosi Vijeću Fakulteta islamskih nauka Univerziteta u Sarajevu sljedeći

## IZVJEŠTAJ

Na osnovu uvida u dokumentaciju i obavljene procedure u Izvještaju predstavljamo najznačajnije činjenice koje su poslužile kao temelj za prijedlog koji Komisija upućuje Vijeću Fakulteta.

### **1. OSNOVNI BIOGRAFSKI PODACI, PODACI O NAUČNOM STEPENU I DRUGI PODACI OD ZNAČAJA**

#### **1.1. Obrazovanje**

Kandidat prof. dr. Aid Smajić rođen je u Tuzli 1975. godine. Osnovno obrazovanje završio je u rodnom Seljublju i Požarnici kod Tuzle, a srednje odnosno Gazi Husrev-begovu medresu u Sarajevu 1996. godine. Daljnje školovanje nastavio je na Univerzitetu Zejtuna (Tunis) gdje je, pored Instituta za žive jezike „Burgiba School“, u periodu 1996-1997. radio na usavršavanju arapskog jezika. Diplomirao je na Odsjeku za psihologiju Fakulteta društvenih nauka Međunarodnog islamskog univerziteta u Maleziji 2002. godine. Na istoj obrazovnoj ustanovi je i magistrirao s radom na temu „Bihevioralna terapija u djelima odabranih muslimanskih učenjaka“. Doktorsku disertaciju pod naslovom „Psiho-socijalni aspekti religioznosti kao determinante međunacionalne tolerancije“ odbranio je 15.11.2010. godine na Odsjeku za psihologiju Filozofskog fakulteta Univerziteta u Sarajevu.

#### **1.2. Radno iskustvo**

U zvanje asistenta na Katedri za Hadis na Fakultetu islamskih nauka biran je 2004. godine, a 2005. i 2007. u zvanje asistenta odnosno višeg asistenta na Katedri za pedagogiju i psihologiju. Odlukom Senata Univerziteta u Sarajevu od 25.05.2011. izabran je u naučno zvanje docenta za oblast „Psihologija“ na Fakultetu islamskih nauka, a u naučno zvanje vanrednog profesora za oblast „Psihologija“ izabran je odlukom Senata Univerziteta u Sarajevu od 28.09.2016. godine. Kao gostujući predavač radno iskustvo je sticao i na Islamskom pedagoškom fakultetu Univerziteta u Bihaću, Međunarodnom univerzitetu u Sarajevu (International University of Sarajevo, 2011-2012) i Međunarodnom univerzitetu Burch (International Burch University, 2012-2014).

Tokom svog radnog angažmana na Fakultetu islamskih nauka pored nastavnih obavljao je i poslove koordinatora Diplome u islamskim naukama (2007-2008), sekretara za međunarodnu saradnju (2007-2008), urednika web-stranice Fakulteta (2012-2017), rukovodioca Katedre za religijsku pedagogiju i religijsku psihologiju u dva mandata (2015-2019) te prodekana za međunarodnu saradnju (2017- u toku).

### 1.3. Učešće na naučnim skupovima i seminarima

U okviru svog naučnog angažmana kandidat je učestvovao u značajnom broju znanstvenih skupova u zemlji i inostranstvu, uključujući:

- *Psihologija i islam: pogled na ovisnost*, panel diskusija (Sarajevo: organizatori Društvo psihologa Federacije BiH i Fakultet islamskih nauka u Sarajevu, 27. novembar 2014).
- „Practice and Application in the SIOP Model and the Role of Meaningful Activities“, *3rd International Conference on Foreign Language Teaching and Applied Linguistics* (Sarajevo: organizator International Burch University, 3-5. maj 2013).
- „Povezanost religioznih orijentacija i političke tolerancije: provjera modela individualnih razlika“, *3. kongres psihologa Bosne i Hercegovine sa međunarodnim učešćem* (Mostar: organizator Društvo psihologa Federacija BiH, 14-16. mart 2013).
- „Uloga vjere u formiranju stava prema drugom i drugačijem: između religijskih ideala i bh. stvarnosti“, *Kolokvij Katoličkog bogoslovnog fakulteta u Sarajevu* (Sarajevo: organizator KBF u Sarajevu, 16. novembar 2012).
- *The Challenges of Reconciliation in Post-Conflict Communities*, međunarodna NATO-va napredna radionica (Dubrovnik: organizatori Slovenska filantropija, Društvo za psihološku podršku iz Zagrebu i Transkulturni centar za mentalno i fizičko zdravlje iz Graca, 28. april – 1. maj 2011).
- „Religiosity and Ethnic Tolerance in Bosnia and Herzegovina“, *Godišnja konvencija Asocijacije za izučavanje nacionalnosti* (New York: organizatori Asocijacija za izučavanje nacionalnosti i Univerzitet Kolumbija, 15-17. april 2010).
- „Religiosity as a Determinant of Ethnic Tolerance in Bosnia and Herzegovina: Theoretical Framework“, *Kongres Međunarodne asocijacije psihologa religije* (Beč: organizatori Međunarodna asocijacija psihologa religije i Univerzitet u Beču, 23-27. august 2009).
- „Psychology of Religion and Intercultural Dialogue and Tolerance“, *Dialogue or How to Overcome Clashes of Our Civilizations?* (Celje: organizator Teološki fakultet Univerziteta u Ljubljani, 8-11. novembar 2007).

Na osnovu priloženih potvrda o učešću, od posljednjeg promaknuća kandidata u naučno zvanje vanrednog profesora izdvajamo njegovo učešće s referatom na sljedećim međunarodnim i domaćim konferencijama, stručnim seminarima i savjetovanjima:

- „Psihodinamski procesi u stvaranju slike i odnosa s Bogom kod kršćana i muslimana“, međunarodna konferencija *Teologija i psihologija u dijalogu: U kakvog Boga ljudi danas vjeruju odnosno ne vjeruju?* (Đakovo: organizator Katolički bogoslovni fakultet Univerziteta u Osijeku i Teološki fakultet Univerziteta u Ljubljani, 15. oktobar 2021), suizlagač dr. Sanda Smoljo-Dobrovoljski.
- „Psihičke posljedice pandemije COVID-19 kod studenata Univerziteta u Sarajevu“, međunarodna konferencija *Crimen Forensis Securitas 21 Pandemija Covid 19 – odgovor nauke na izazov stoljeća* (Sarajevo: organizator Fakultet za kriminalistiku, kriminologiju i sigurnosne studije Univerziteta u Sarajevu, 4-5. oktobar 2021), suizlagači dr. Elvira Čekić, dr. Dženana Husremović i dr. Daniel Maleč.

- „Religiosity and Ethnoreligious Coexistence in Bosnia“, on-line međunarodna konferencija *Unity with Diversity: Moving toward Civilizational Development* (Kuala Lumpur: organizator Međunarodni islamski univerzitet u Maleziji, Univerzitet u Sarajevu, Shenandoah University, Bridgewater College, Jamal Barzinji Project, 18-19. novembar 2020).
- „Muslim Spiritual Care in the Time of Covid-19: Bosnian Perspective“, *What is Spiritual Care in Light of Covid-19 from the Perspectives of Different Religious Traditions?*, serija webinara (organizator International Association for Spiritual Care, 21. juli-11. avgust 2020).
- „Religijska recepcija Freuda“, okrugli sto povodom 80 godina od smrti Sigmunda Freuda *Uloga i značaj Freudove psihoanalize u kriminalističkim istraživanjima* (Sarajevo: organizator Fakultet za kriminalistiku, kriminologiju i sigurnosne studije Univerziteta u Sarajevu, 26. decembar 2019).
- „Place for Implicit Religiosity in Ethno-Religious Cexistence and Tolerance: A Case of Bosnia and Herzegovina“, međunarodna konferencija *Monotheistic Believing and Pluralistic Societies from an Islamic Perspective* (Erlangen: organizator Odsjek za islamsko-religijske studije Univerziteta Friedrich-Alexander u Erlangenu, 7-9. novembar 2019).
- „Muslim Chaplaincy and Spiritual Counseling in Bosnian Prisons: Case Study of Tuzla Muftiluk“, prezentacija postera na međunarodnoj konferenciji *Islamic Social Work? From Community Services to Commitment to the Common Good* (Švicarska: organizator Swiss Center for Islam and Society Univerziteta u Fribourgu, 11-12. septembar 2019).
- „Uloga islamske vjeronauke u afirmaciji pozitivnih vrijednosti: mogućnosti i izazovi“, međunarodno naučno-stručna konferencija *Doprinos vjeronauke kvalitetu odgojno-obrazovnog procesa u BiH u kontekstu evroatlanskih integracija* (Sarajevo: organizator Islamska zajednica u BiH i Konrad Adenauer Stiftung, 19. januar 2019).
- „Govor mržnje na društvenim mrežama-zloupotreba religije“, predavanje u okviru jednodnevne radionice za mlade na temu *Govor mržnje na društvenim mrežama-zloupotreba religije* (Goražde: organizator Međureligijsko vijeće u BiH, Odbor za međureligijsku saradnju Goražde, 12. decembar 2018).
- „Psihologija religioznosti i argumentacija protiv radikalizacije“, međunarodna konferencija *Dijalog s mladima u zajednici* (Sarajevo: organizator Regional Cooperation Council i Fakultet za kriminalistiku, kriminologiju i sigurnosne studije Univeziteta u Sarajevu, 18. septembar 2018).
- „Religioznost kao faktor prevencije ovisnosti“, seminar za imame *Program prevencije ovisnosti* (Bihać: organizator Ured za društvenu brigu Rijaseta IZ u BiH, 6. decembar 2017).
- „Sindrom profesionalnog sagorijevanja kod imama: uzroci, posljedice i prevencija“, stručni seminar imama Islamske zajednice Bošnjaka u Njemačkoj *Biti musliman u Njemačkoj – izazovi i perspektive* (Wiesbaden: organizator Islamska zajednica Bošnjaka u Njemačkoj, 16-17. oktobar 2017).
- „Socio-psihološki profil muslimanske omladine u BiH“, Savremeni modela rada s mladima. Trening socijalnih vještina, *Seminar za koordinate za rad sa nevladinim organizacijama* (Vlašić: organizator Uprava za vanjske poslove Rijaseta IZ u BiH, 18-20. septembar 2017).
- „Vrijednosti muslimanske omladine u BiH kao platforma za strateški rad s mladima“, okrugli sto *Mladi u džematu* (Tuzla: organizator Uprava za vjerske poslove Rijaseta i Muftijstvo tuzlansko IZ-e u BiH, 15. maj 2017).

- „Religioznost kao prediktor vrijednosnih orijentacija kod mladih“, 5. kongres psihologa Bosne i Hercegovine sa međunarodnim učešćem (Sarajevo: organizator Društvo psihologa FBiH, RS-a, Brčko Distrikta, 2-4. mart 2017).

#### 1.4. Članstvo u organizaciji naučnih skupova

Prof. dr. Aid Smajić je u periodu nakon posljednjeg izbora u vanrednog profesora također učestvovao u organizaciji nekoliko međunarodnih i naučnih skupova među kojim izdvajamo:

- Međunarodna naučna konferencija „Travellers in Ottoman Lands“, Fakultet islamskih nauka u saradnji s Association for the Study of Travel in Egypt and the Near East (ASTENE) (Sarajevo: 24-26. avgust 2022).
- Ljetna škola „Ibn Arebi and His Interpreters“, Fakultet islamskih nauka u saradnji s Asocijacijom Perennia Verba iz Rima (Italija). (Sarajevo: 26-30. avgust 2019).
- Međunarodna naučna konferencija „The Hope and Despair of Religions: Exploring the Nexus of Theory and Praxis“, Fakultet islamskih nauka u saradnji s European Society of Intercultural Theology and Interreligious Studies (ESITIS). (Sarajevo: 24-27. april 2019).
- Skup naučnih konferencija na temu „Tumačenje religijski *drugog* u Svetim spisima i njihove implikacije za formiranje javne komunikacije“ u okviru projekta DAAD-East-West-Dialogue: University dialogue with the countries of the Western Balkans, Fakultet islamskih nauka u saradnji s Bogoslovskim fakultetima u Beogradu i Foči. (Beograd: 2-5. novembar 2017; Sarajevo: 12-15. februar 2018).
- „Doprinos vjeronauke kvalitetu odgojno-obrazovnog procesa u Bosni i Hercegovini u kontekstu evroatlantskih integracija“, međunarodna naučno-stručna konferencija (Sarajevo: organizatori Rijaset IZ u BiH i Konrad Adenauer Stiftung 19. januar 2019).

#### 1.5. Članstvo u domaćim i međunarodnim redakcijama i recenzije

Kandidat je u proteklom periodu bio ili je još uvijek član sljedećih domaćih i međunarodnih redakcija i savjetodavnih odbora časopisa ili je za njihove potrebe pisao stručne recenzije:

- *The Journal of Islamic Research*, Turkocagi Cd. No: 30 Balgat (06520) / Ankara, Tel: +90 312 286 56 56, Fax: +90 312 220 04 70, E-mail: [info@islamiarastirmalar.com](mailto:info@islamiarastirmalar.com), <https://www.islamiarastirmalar.com/en-index.html>, <https://www.islamiarastirmalar.com/magazine/en-index.html?page=assoc>
- *Context: Časopis za interdisciplinarne studije*, Centar za napredne studije, Marka Marulića 2C, 71000 Sarajevo, <https://www.cns.ba/context-casopis/>
- *Zbornik radova Fakulteta islamskih nauka u Sarajevo*, <https://fin.unsa.ba/zbornik-radova/>
- *Društvene i humanističke studije: Časopis Fakulteta za humanističke i društvene nauke Univerziteta* u Tuzli, <http://www.dhs.ff.untz.ba/index.php/home/about/editorialPolicies#custom-4>

- *Journal of Muslims in Europe*, <https://brill.com/view/journals/jome/jome-overview.xml?language=en>
- Zbornik radova međunarodne konferencije *Equality, Religious Harmony and Peace 2020*, Međunarodni islamski univerzitet u Maleziji, Kuala Lumpur.

## 2. ZNANSTVENO-ISTRAŽIVAČKI RAD KANDIDATA

Kandidat dr. Smajić, pored redovnog izvođenja nastave, bavi se i znanstveno-istraživačkim radom, a što dokazuje autorstvom četiri knjige i više znanstvenih i stručnih radova iz oblasti „Psihologija“, prijevodima relevantne psihološke naučne literature te učešćem u realizaciji međunarodnih i domaćih znanstvenih projekata.

### 2.1. Objavljene knjige i naučna djela

- *Vrijednosti i vrijednosne orijentacije orijentacije muslimanske omladine u Bosni i Hercegovini* (Sarajevo: Centar za dijalog-Vesatijja, 2016, str. 116, ISBN 978-9958-065-11-8).

Ova znanstvena socijalno-psihološka publikacija bavi se pitanjem vrijednosti i vrijednosnih orijentacija kod muslimanske mladeži u Bosni i Hercegovini, kao jednim od temeljnih razvojnih zadataka u periodu adolescencije ali i ključnom temom u današnjem vremenu tzv. krize vrednota. Kao takva, studija nudi teorijski i aplikativno važne naučne spoznaje. Ona je višestruko korisna kako stručnoj tako i akademskoj javnosti jer prati razvojni put sistema vrijednosti kod mladih i u tom smislu otvara mogućnosti definiranja smjernica u kreiranju programa za razvijanje vrijednosti, koje bi trebale voditi ka prosperitetnijem bh. društvu. Zbog toga je istraživanje vrijednosti općenito područje od kapitalnog značaja pa je ova publikacija kao i druga naučna literatura usmjerena na izučavanje životnih ciljeva i vrijednosti uvijek korisna za naučnu i stručnu.

- *Religioznost i međuetnička tolerancija u Bosni i Hercegovini* (Sarajevo: El-Kalem, 2017, str. 167, ISBN 978-9958-23-460-6).

Ovo naučno djelo je vrijedna socijalno-psihološka studija koja na znanstveno utemeljen način tematizira pitanje uloge religioznosti kao individualnog duhovno-psihološkog fenomena u oblikovanju međuetničkih stavova i odnosa kod mladih poslije rata na prostoru Bosne i Hercegovine. Ono kao takvo pripada širem korpusu literature na polju socijalne psihologije religije, grupnih i međugrupnih odnosa, stereotipa, predrasuda, socijalne distance i političke tolerancije te predstavlja korisno štivo za sve autore i istraživače koji se bave ovom tematikom iz ugla psihološke nauke. Posebna vrijednost i originalnost ovog naučnog djela je u činjenici da sažeto donosi i temeljito obrazlaže postojeće teorijske modele u savremenoj psihologiji u

razumijevanju načina na koji religiozni sentiment i uvjerenja determiniraju međugrupne stavove i dinamiku u jednom postkonfliktnom društvu kakvo je Bosna i Hercegovina te provjerava njihovu heurističku valjanost u svjetlu dostupnih empirijskih saznanja ove i drugih studija. Pored toga, ova knjiga nudi korisne zaključke i praktične smjernice u pogledu mogućnosti ali i preduvjeta angažiranja religioznog potencijala u afirmaciji međuetničke tolerancije i suživota na prostoru Bosne i Hercegovine zbog čega se može smatrati korisnim štivom i na polju primijenjene psihologije ali i aktualnih inicijativa u pravcu unapređenja međureligijskog dijaloga na prostoru Bosne i Hercegovine.

#### **Od posljednjeg promaknuća u više naučno zvanje:**

- *Radni stres kod bosanskohercegovačkih imama: stanje, uzroci i suočavanje* (Sarajevo: El-Kalem i Fakultet islamskih nauka Univerziteta u Sarajevu, 2022, str. 149, ISBN 978-9958-23-584-9).

Ova publikacija predstavlja originalno naučno djelo, koje na jedinstven način problematizira radni stres u kontekstu zahtjeva koji se postavljaju u jednom specifičnom radnom okruženju odnosno na radnom mjestu imama. Ovo naučno djelo može se koristiti kao vrijedan izvor informacija za psihologe i stručnjake iz srodnih područja koji se bave problematikom radnog stresa i djeluju u području organizacijske psihologije, ali i za rukovodioce organizacija i sve druge osobe koje su općenito uključene u kreiranje radnog konteksta i organizacijske klime. Ono naravno donosi korisne informacije i smjernice za unapređenje psihosocijalne prilagodbe i kvalitete rada imama, ali i za sve znanstvenike i stručnjake koji kroz istraživanja i rad u praksi nastoje doprinijeti boljem razumijevanju radnog stresa i predložiti adekvatne preventivne i intervencijske mjere. Za psihološku nauku ovo je originalan i posebno vrijedan doprinos i zato što trenutno u našem kontekstu nemamo sličan izvor koji tretira pitanje radnog stresa u imamskom pozivu, pritom naučno potvrđujući značajnost prepoznavanja različitih faktora rizika i protektivnih faktora u kontekstu razmatranja teme stresa u radu.

- *Studija o kompetencijama kadrova Islamske zajednice u Bosni i Hercegovini: od stečenih ka potrebnim kompetencijama* (Sarajevo: El-Kalem i Fakultet islamskih nauka Univerziteta u Sarajevu, 2022, str. 220, ISBN 978-9958-23-587-0), koautori Dina Sijamhodžić-Nadarević, Nedim Begović, Zuhdija Hasanović i Mirzeta Brkić.

Ova publikacija predstavlja vrijednu psihološko-pedagošku publikaciju te prvo i do sada jedino naučno djelo ove vrste u Islamskoj zajednici u Bosni i Hercegovini. Kao takvo ono donosi značajna teorijska i praktična saznanja o (samo)percepciji stečenih i potrebnih kompetencija kod jedne specifične radne populacije, koja uključuje imame, nastavnike islamske vjeronauke, te profesore i odgajatelje u medresama. Spoznaje ove publikacije općenito ističu važnost strateškog obrazovanja i planiranja kadra u poslu ali i posebno naglašavaju potrebu za ovom vrstom pristupa i u kompetencijskom profiliranju

uposlenika jedne specifične, uslovno kazano, *radne organizacije* kakva je Islamska zajednica u Bosni i Hercegovini. Svojim sadržajem i saznanjima ovo djelo ulazi u naučni prostor psihologije obrazovanja, organizacijske i socijalne psihologije, psihologije religije i pedagogije, te je stoga korisno štivo za sve istraživače u spomenutim znanstvenim disciplinama, a posebno one među njima koji se bave kadrovskom politikom i profiliranjem u specifično religijskim organizacijama i za potrebe islamskog vjerskog obrazovanja i odgoja.

- *Kognitivno-bihevioralna terapija kod muslimanskih klasika* (Sarajevo: ?).

Za ovo naučno djelo kandidat u CV-u navodi da je u fazi pripreme.

## 2.2. Znanstveni i stručni radovi objavljeni u publikacijama koje prate relevantne baze podataka i u recenziranim naučnim publikacijama (od posljednjeg izbora u naučno zvanje)

- Odnos između stepena anksioznosti i religioznosti kod studenata Fakulteta islamskih nauka u Sarajevu, *Zbornik radova Fakulteta islamskih nauka u Sarajevu* (EBSCO, CEEOL), 25 (2021), str. 147-164, koautor Mirzeta Brkić.
- Islamic psychology from Bosnian perspective: experiences and contributions of Muslim psychologists and thinkers, u Amber Haque i Abdallah Rothman (ur.), *Islamic Psychology around the Globe* (Seattle, WA: International association of Islamic Psychology, 2021), str. 32-48, koautor Selvira Draganović.
- Odnos specifičnih simptoma PTSP-a i suicidalnosti, *Zbornik radova Islamskog pedagoškog fakulteta u Bihaću* (EBSCO, CEEOL), 13 (2021), str. 199-218, koautor Vildana Aziraj-Smajić.
- Autohtona islamska psihologija u bosanskom kontekstu: dostignuća muslimanskih teologa, mislilaca i psihologa, *Context: Časopis za interdisciplinarne studije* (EBSCO, CEEOL), 8:1 (2021), str. 65-86, koautor Selvira Draganović.
- Muslim Chaplaincy and Spiritual Counseling in Bosnian Prisons: Case Study of Tuzla Muftiluk, u Nuri Tinaz, Ali Ayten, Mahmut Zengin i Halil Eksi (ur.), *Spiritual Counselling and Care in Health and Prison Services: Diverse Experiences and Practices* (Istanbul: Center for Values Education Press, 2020), str. 175-190, koautor Hajrudin Baturić.
- Uloga islamske vjeronauke u afirmaciji pozitivnih vrijednosti: mogućnosti i izazovi, *Zbornik radova Fakulteta islamskih nauka u Sarajevu* (EBSCO, CEEOL), 24 (2020), str. 315-334.
- Religioznost kao prediktor vrijednosnih orijentacija kod mladih, *Zbornik radova 5. kongresa psihologa Bosne i Hercegovine sa međunarodnim učešćem* (EBSCO, CEEOL), 5 (2019), str. 155-177, koautor Jadranka Kolenović-Đapo.
- Religija u susretu sa savremenom psihologijom: iskustvo Katoličke crkve, *Context: Časopis za interdisciplinarne studije* (EBSCO, CEEOL), 4:1 (2017), str. 7-26.
- Razlike u izraženosti etničke tolerancije s obzirom na neke socio-demografske varijable, *Zbornik radova 4. kongresa psihologa Bosne i Hercegovine sa međunarodnim učešćem* (EBSCO, CEEOL), 4 (2017), str. 259-278.
- Stavovi mladih prema braku i porodici, *Zbornik radova „Muslimanska porodica: prava i dužnosti“* (Rijaset IZ u BiH: El-Kalem, 2017), str. 9-18.

- Psychometric validation of cognitive test anxiety scale – 2 among Bosnian university students, *Journal of Psychoeducational Assessment* (Scopus, Web of Science, PsycINFO baze podataka), (2022), koautori Pinar Ünal-Aydın, Selvira Draganović, Utkun Aydın, Daniel Maleč, Orkun Aydın i Christopher Thomas (u prilogu potvrda vođe istraživačkog projekta da je rad zaprimljen i da se očekuje njegovo objavljivanje).
- Stres u akademskom kontekstu: izvori, reakcije i suočavanje, u Amela Dautbegović (ur.), *Psihosocijalne odrednice depresivnosti, anksioznosti i stresa kod studenata* (Sarajevo: Centar za psihološka istraživanja, edukaciju i savjetovanje, 2022), koautor Ahmed Čolić (u prilogu potvrda urednika naučne publikacije da je rad zaprimljen i da će biti objavljen).
- Psihičke posljedice pandemije COVID-19 kod studenata Univerziteta u Sarajevu, *Kriminalističke teme* (CEEOL, EBSCO, SocINDEX, EBSCO SocINDEX Full Text baze podataka), 1 (2022), koautori Elvira Čekić, Dženana Husremović i Danijel Maleč (u prilogu potvrda urednika naučnog časopisa da je rad zaprimljen i da će biti objavljen).

### 2.3. Prevedene knjige iz oblasti društvenih i psiholoških nauka

Na osnovu uvida u CV dr. Smajića evidentan je i njegov prevodilački angažman. Od posljednjeg izbora u akademsko zvanje ovdje izdajamo kandidatov prijevod obimne komparativno-filozofske studije, koja tematizira, između ostalog, i pitanje historije, filozofije i metodologije moderne psihologije:

- Abdelwahab M. Elmessiri (ur.). *Epistemološka pristrasnost u prirodnim i društvenim naukama* (Sarajevo: Centar za napredne studije, 2020), str. 322, ISBN 978-9926-471-36-1.

### 2.4. Učešće u istraživačkim i drugim projektima

Prema priloženim potvrđama i dokumentaciji, od posljednjeg promaknuća u više zvanje kandidat je učestvovao u nekoliko značajnih međunarodnih i domaćih istraživačkih i studijskih projekata među kojim ističemo:

- *Psychometric Validation of the Cognitive Test Anxiety Scale among Bosnian University Students* (Internacionalni univerzitet u Sarajevu nositelj projekta u saradnji s Univerzitetom u Sarajevu i University of Texas at Tyler, januar-avgust 2021), voditeljica projekta prof. dr. Pinar Ünal-Aydın (u prilogu potvrda voditeljice projekta o učešću kandidata u projektu u svojstvu člana istraživačkog tima).
- *Psihičke posljedice pandemije COVID-19 kod studenata Univerziteta u Sarajevu* (nositelj projekta Fakultet za kriminalistiku, kriminologiju i sigurnosne studije Univerziteta u Sarajevu, 2021), voditeljica projekta doc. dr. Elvira Čekić (u prilogu potvrda dekana Fakulteta za kriminalistiku o učešću kandidata u projektu u svojstvu člana istraživačkog tima).
- Nacionalni koordinator za područje BiH u okviru međunarodnog projekta *Mapping the Terrain: Advancing Education in Muslim Societies 2* (nositelj projekta International Institute of Islamic Thought u Herndonu, Virginia, u saradnji s Virginia University, USA, 2019-2020), voditeljica projekta prof. dr. Ilham Nasser (u prilogu potvrda Instituta i voditeljice projekta o učešću kandidata u svojstvu nacionalnog koordinatora u projektu kao i istoimena publikacija u izdanju Instituta iz koje se vidi da je kandidat u svojstvu konsultanta učestvovao u realizaciji projekta).
- *Putnici u Siriju: Kriminalološka i sigurnosna analiza s posebnim osvrtom na povratnike sa sirijskog ratišta* (nositelj projekta Fakultet za kriminalistiku, kriminologiju i sigurnosne studije

Univerziteta u Sarajevu, 2019-2020), učesnici projekta Armin Kržalić, Nedžad Korajlić, Aida Kržalić, Benjamin Plevljak i Imer Dulaš (u prilogu istoimena publikacija u izdanju Fakulteta za kriminalistiku Univerziteta u Sarajevu iz koje se vidi da je kandidat u svojstvu konsultanta učestvovao u realizaciji projekta).

- Nacionalni koordinator za područje BiH u okviru međunarodnog projekta *Mapping the Terrain: Advancing Education in Muslim Societies I* (nositelj projekta International Institute of Islamic Thought u Herndonu, Virginia, u saradnji s Indiana University, USA, 2019-2020), voditeljica projekta prof. dr. Ilham Nasser (u prilogu potvrda Instituta i voditeljice projekta o učešću kandidata u svojstvu nacionalnog koordinatora u projektu kao i istoimena publikacija u izdanju Instituta iz koje se vidi da je kandidat u svojstvu konsultanta učestvovao u realizaciji projekta).
- *Barzinji Project Phase I (2018-2019) with a focus on Civil Discourse* (nositelji projekta Jamal Barzinji Project for International Cooperation to Advance Higher Education i Shenandoah University u saradnji s International Islamic University Malaysia, Bridgewater College u Virginiji, Univerzitetom u sarajevu i Center for Islam in the Contemporary World at Shenandoah University, 2018-2019), voditelji projekta Adrienne Bloss i Younus Y. Mirza (u prilogu potvrda voditelja projekta o učešću kandidata u projektu).

---

Na osnovu dostavljene dokumentacije i ovdje kazanog Komisija konstatira da je vanredni profesor dr. Aid Smajić od posljednjeg izbora u više naučno zvanje objavio dvije knjige. Pored toga, kandidat je u svojstvu nacionalnog koordinatora i konsultanta učestvovao u dodatna tri naučno-istraživačka projekta, koja su rezultirala objavljivanjem značajnih znanstvenih publikacija (*Putnici u Siriju: Kriminološka i sigurnosna analiza s posebnim osvrtom na povratnike sa sirijskog ratišta*, Sarajevo, Fakultet za kriminalistiku, *kriminologiju i sigurnosne studije* Univerziteta u Sarajevu, 2020; *Advancing Education in Muslim Societies: Mapping the Terrain Report 2019-2020*, Virginia, International Institute of Islamic Thought, 2021; *Advancing Education in Muslim Societies: Mapping the Terrain Report 2018-2019*, Virginia, International Institute of Islamic Thought, 2020), s tim da se kandidat ne spominje među imenima njihovih autora. Stoga Komisija zaključuje da kandidat prof. dr. Aid Smajić ima napisana i objavljena tri naučna djela i da je time ispunio traženi uvjet za izbor u više zvanje.

Komisija također konstatira da je kandidat od posljednjeg izbora objavio sedam naučnih radova u publikacijama koje prate relevantne baze podataka, tri rada u znanstvenim međunarodnim i domaćim publikacijama, te da je, u skladu s Odlukom Fakulteta islamskih nauka u Sarajevu o obaveznim elementima i pratećim dokumentima izvještaja br. 03-03-1 vanredna elek. sjed.-430/21 od 04.05.2021., dostavio dokaz da su njegovi naučni radovi u fazi objavljivanja u publikacijama koje prate relevantne baze podataka (dva rada) i u znanstvenim publikacijama (jedan rad). Na osnovu toga Komisija zaključuje da je kandidat ispunio i ovaj uvjet za izbor u više zvanje.

Prateći isto učešće kandidata na znanstvenim skupovima, u naučno-istraživačkim projektima u zemlji i inostranstvu te njegov prevodilački doprinos, Komisija na kraju ističe da se dr. Smajić kroz

svoj ukupni znanstveno-istraživački angažman bavio u psihologijskoj nauci izrazito važnim i aktuelnim psihološkim, društvenim i obrazovnim temama, pri čemu posebnu pažnju zavređuje njihova utemeljenost i povezanost s različitim psihološkim disciplinama, naučna interdisciplinarnost, relevantnost za šira društvena kretanja i obrazovni proces na njegovom matičnom fakultetu. U tom smislu, kandidat u svom naučnom opusu na znanstveno utemeljen način spaja teme koje pripadaju širem dijapazonu psiholoških nauka (historija i filozofija psihologije, psihometrija, socijalna i razvojna psihologija, mentalno zdravlje, psihoterapija, psihologija obrazovanja, grupna dinamika i međugrupni procesi, organizacijska psihologija i psihologija religije), a njegovi radovi imaju važan teorijski i aplikativni značaj kako za njegove matične ustanove (Fakultet islamskih nauka, Univerzitet u Sarajevu, Islamska zajednica u Bosni i Hercegovini) tako i za širu društvenu zajednicu.

### **3. NASTAVNO-PEDAGOŠKI RAD**

Shodno odluci Senata Univerziteta u Sarajevu br. 01-5713/16, kandidat dr. Aid Smajić je od 28.09.2016. na Fakultetu islamskih nauka angažiran u svojstvu vanrednog profesora za oblast „Psihologija“.

Prof. dr. Aid Smajić je u svojstvu nastavnika angažiran na I, II i III ciklusu studija, a od svog posljednjeg promaknuća u vanrednog profesora nastavu je izvodio na predmetima: Uvod u psihologiju, Opća psihologija s psihologijom ličnosti, Razvojna psihologija, Socijalna psihologija, Psihologija religioznosti, Religija i pojedinac u vremenu postmoderne, Islamsko dušebrižništvo, Rješavanje sukoba, Islamska misija (Da'va) i Psihologija religije: odabrane teme.

U okviru modula „Ključne teme 21. stoljeća“ također izvodi nastavu na master programu „Međureligijske studije i izgradnja mira“, koji organiziraju tri teološka fakulteta (Fakultet islamskih nauka i Katolički bogoslovni fakultet Univerziteta u Sarajevu i Pravoslavni bogoslovski fakultet „Sv. Vasilije Ostroški“ Univerziteta u Istočnom Sarajevu). Posljednjih više od deset godina učestvuje u realizaciji nastave na kursu Diploma u islamskim naukama na bosanskom i engleskom jeziku.

Kao gostujući predavač na I, II i/ili III ciklusu bio je također angažiran u izvođenju nastave u okviru psihološke grupe predmeta na Islamskom pedagoškom fakultetu Univerziteta u Bihaću, Međunarodnom univerzitetu u Sarajevu (International University of Sarajevo) i Međunarodnom univerzitetu Burch (International Burch University).

Prema dostavljenoj dokumentaciji, u periodu nakon izbora u više zvanje u okviru Erasmus programa

razmjene nastavnog osoblja dr. Aid Smajić je posjetio i predavanja održao na nekoliko prestižnih obrazovnih ustanova u Evropi, uključujući Kirchliche Padagogische Hochschule (Beč), Univerzitet u Tuebingenu (Njemačka), Univerzitet u Paderbornu (Njemačka), Univerzitet u Osnabrucku (Njemačka) i Friedrich-Alexander Universität Erlangen-Nürnberg (Njemačka).

Na osnovu uvida Komisije u studentske evaluacije evidentno je da kandidat svoje nastavne obaveze na Fakultetu islamskih nauka Univerziteta u Sarajevu obavlja odgovorno i profesionalno. Studenti posebno vrednuju njegovo umijeće da nastavnu građu, koja se izučava u okviru psihološke grupe predmeta ilustrira primjerima iz svakodnevnog života, olakšavajući tako studentima usvajanje saznanja savremene psihologije o veoma često složenim psihološkim pojavama, temama i procesima.

S obzirom na činjenicu da od 2017. godine na Fakultetu islamskih nauka obavlja i funkciju prodekana za međunarodnu saradnju, dr. Aid Smajić dao je značajan doprinos u internacionalizaciji nastavnog procesa na Fakultetu te unapređenju programa međuuniverzitetske razmjene studenata i nastavnog osoblja kroz Erasmus mobilnosti. Imajući u vidu specifičnu poziciju Fakulteta islamskih nauka u strukturama Univerziteta u Sarajevu i Islamske zajednice u Bosni i Hercegovini kandidat je kroz inicijativu za uspostavljanjem saradnje s univerzitetima u svijetu, organizaciju i učešće u međunarodnim naučnim i drugim projektima te ostalim aktivnostima na ovom planu također doprinio međunarodnoj afirmaciji ne samo Fakulteta islamskih nauka već i Univerziteta u Sarajevu i Islamske zajednice u Bosni i Hercegovini kao obrazovnih i naučnih odnosno društveno-odgovornih institucija.

Na kraju ističemo da je prema dostavljenoj dokumentaciji dr. Smajić tokom proteklog izbornog perioda učestvovao u radu različitih komisija pri Fakultetu islamskih nauka, dajući i tako doprinos unapređenju obrazovnog procesa na matičnoj ustanovi.

### **3.1. Mentorstva nakon posljednjeg izbora u zvanje**

Na osnovu priložene dokumentacije i potvrde sekretara Fakulteta islamskih nauka Univerziteta u Sarajevu, Komisija konstatira da je prof. dr. Aid Smajić nakon posljednjeg izbora u više zvanje bio mentor doktorskog rada mr. Adnana Srebrenice, *Upravljanje ljudskim potencijalima u sunnetu Božijeg poslanika Muhammeda, s.a.v.s.* Disertacija je odbranjena 20.07.2020. Komisija također konstatira da je kandidat od posljednjeg izbora bio mentor magistarskog rada sljedećim kandidatima:

- Alma Memić, *Pojam ličnosti u djelima Ebu Hamid el-Gazalija*, rad odbranjen 09.11.2020.
- Hajrudin Baturić, *Stanje i perspektive imamskog rada s osuđenima na području Tuzlanskog muftijstva*, rad odbranjen 05.12.2019.

- Nedim Avdibegović, *Ideje evolucionizma u osnovnom obrazovanju Kantona Sarajevo: analiza udžbenika kao agensa (ne)religijske socijalizacije*, rad odbranjen 18.03.2019.
- Muhamed Velić, *Psihosocijalni aspekti kur'anskog koncepta islahu u odabranim tefsirskim djelima*, rad odbranjen 29.06.2017.

### 3.2. Stručna usavršavanja

Pored studijskog boravka na Odsjeku za psihologiju Univerziteta u Tennesiju, Chattanooga (2008-2009) u trajanju od dva semestra te usavršavanja u okviru Stipendije za istraživanje javnih politika (program *Bosna i Hercegovina u potrazi za javnom odgovornosti*, Fond otvoreno društvo BiH, 2010-2011), kandidat je svoje nastavno-organizacijske kompetencije usavršavao i kroz Erasmus „training“ razmjene na Univerzitetu u Tuebingenu, Univerzitetu u Paderbornu, Univerzitetu u Osnabrucku i Friedrich-Alexander Universität Erlangen-Nürnberg. Prema priloženim potvrdama, u periodu nakon posljednjeg izbora dr. Smajić je također u svojstvu polaznika učestvovao u nekoliko programa doedukacije, među kojim izdvajamo:

- One Week Online Orientation Program on *Islamic Counselling and Psychotherapy* (New Delhi: organizator Institute of Objective Studies, 16-22. septembar 2020).
- *Using Reflective Structured Dialogue to Teach Civil Discourse* (Sarajevo: organizatori Essential Partners Cambridge, Fakultet islamskih nauka u Sarajevu i Univerzitet u Sarajevu, 24-25. februar 2020).
- Radionica *Three Tomorrows of Postnormal Times* (Sarajevo: organizatori The Center for Postnormal Policy and Future Studies, International Institute for Islamic Thought i Centar za napredne studije, 5. avgust 2018).
- Radionica *Navigating Postnormal Balkans: A Hands on Futures Workshop and Polylogue* (Sarajevo: organizatori The Center for Postnormal Policy and Future Studies, International Institute for Islamic Thought i Centar za napredne studije, 17-19. mart 2017).

---

Na osnovu dostupne dokumentacije i naprijed kazanog Komisija zaključuje da je kandidat tokom izbornog perioda u zvanju vanrednog profesora mentorisao jedan doktorski i četiri magistarska rada te na taj način ispunio i ovaj uvjet za izbor u više zvanje.

### MIŠLJENJE I PRIJEDLOG KOMISIJE

Na osnovu uvida u biografiju kandidata, njegov cjelokupni nastavno-naučni i pedagoški angažman te ukupnu dokumentaciju, koju je dr. Aid Smajić priložio uz prijavu na konkurs, a imajući pritom u vidu važeće zakonske akte na temelju kojih se procjenjuje i vrši izbor kandidata u viša nastavnička zvanja,

Komisija je jednoglasna u mišljenju da vanredni profesor dr. Aid Smajić ispunjava sve uvjete za izbor u zvanje redovni profesor, a koji su predviđeni članom 96. alineja f) Zakona o visokom obrazovanju Kantona Sarajevo (Prečišćeni tekst – Sl. novine Kantona Sarajevo br. 33/17) i članom 194. alineja f) Statuta Univerziteta u Sarajevu.

Vanredni profesor dr. Aid Smajić je pravovremeno uz prijavu dostavio svu potrebnu dokumentaciju za izbor u zvanje redovni profesor, a sukladno uvjetima, koji su utvrđeni Konkursom od 10.05.2022. godine. Kandidat je u zvanju vanredni profesor za oblast „Psihologija“ proveo jedan izborni period (6 godina) tokom kojeg je objavio dvije knjige i deset znanstvenih radova u kojim važna i aktualna psihosocijalna pitanja i teme iz različitih psiholoških disciplina tretira na naučno utemeljen način, dok su njegova tri rada u procesu objavljivanja u časopisima koji prate relevantne baze podataka i naučnim publikacijama. Posebnu pažnju pritom zavređuje to što kandidat u svom naučnom opusu spaja teme koje pripadaju širem dijapazonu psiholoških nauka i teži interdisciplinarnom razumijevanju društveno-psiholoških, kulturoloških i religijskih pojava, a njegovi radovi imaju važan teorijski i aplikativni značaj za njegove matične ustanove (Fakultet islamskih nauka, Univerzitet u Sarajevu, Islamsku zajednicu u Bosni i Hercegovini) ali i za širu društvenu zajednicu. Dr. Smajić je također učestvovao u zavidnom broju naučno-istraživačkih projekata, usavršavajući tako dodatno svoje znanstvene i stručne kompetencije. Od posljednjeg izbora u više zvanje, kandidat je uspješno mentorisao jedan doktorski i četiri magistarska rada, a svoje nastavne obaveze obavljao je s entuzijazmom i odgovorno kako na matičnoj tako i na drugim obrazovnim ustanovama u zemlji i inostranstvu na kojima je boravio u svojstvu gostujućeg predavača, čime je dokazao svoje nastavničke kompetencije ali i ozbiljnost u afirmaciji psiholoških nauka na matičnom fakultetu i za specifične potrebe kadra Islamske zajednice u Bosni i Hercegovini.

Vanredni profesor dr. Aid Smajić aktualni je prodekan za međunarodnu saradnju fakulteta i aktivno učestvuje u internacionalizaciji nastave na fakultetu, unapređenju međuuniverzitetske razmjene studenata i nastavnog osoblja kroz Erasmus i druge sporazume o saradnji, organizaciji međunarodnih naučnih i studijskih projekata, čime daje zapažen doprinos u razvoju nastavno-naučnog procesa na fakultetu te njegovoj međunarodnoj afirmaciji kao važne visoko-školske ustanove Univerziteta u Sarajevu i Islamske zajednice u Bosni i Hercegovini.

Na osnovu svega navedenog, Komisija je stava da vanredni profesor dr. Aid Smajić ima sve stručne kvalifikacije te naučno-istraživačke i nastavno-pedagoške kvalitete temeljem kojih ispunjava zakonom utvrđene uvjete za izbor u više zvanje. Zbog toga sa zadovoljstvom predlažemo Vijeću Fakulteta

islamskih nauka Univerziteta u Sarajevu da Izvještaj o izboru dr. Aida Smajića u naučno-nastavno zvanje *redovni profesor za oblast „Psihologija“*, puni radni odnos, usvoji i prosljedi u daljnju proceduru.

Sarajevo, 04.07.2022. godine

ČLANOVI KOMISIJE:

*Salihović*

Dr. Senija Tahirović, redovni profesor, oblast Psihologija, Islamski pedagoški fakultet Univerziteta u Zenici, predsjednik

*Anela*

Dr. Anela Hasanagić, redovni profesor, oblast Psihologija, Islamski pedagoški fakultet Univerziteta u Zenici, član

*S. Zvizdić*

Dr. Sibela Zvizdić, redovni profesor, polje Psihologija (grane Školska psihologija i Psihologija obrazovanja, Zdravstvena i klinička psihologija), Filozofski fakultet Univerziteta u Sarajevu, član